

四庫全書

集部

欽定四庫全書

御製詩初集卷十四

古今體一百八首

癸亥三

風

園林當首夏暖風日日吹拂雲似席卷飄絮如雪飛繁
葢將辭條催殘胡疾爲對之怒焉愁不爲惜芳菲年來
春雨艱多賦雲漢詩去冬三白佳膏澤被郊畿滿擬二
麥豐慰我三農饑亢旱雖未形待澤正此時先憂理則

然後樂非所期

麥

新麥纔數寸，戟戟青玉針。
含煙暗遠畦，流潤思甘霖。
老農挽桔槔，井花灌籬陰。
力穡良可嘉，對之愁不禁。
甫田千萬頃，安得遍澆淋。
緬惟臘雪足，遺蝗入地深。
更擬餅餌富，慰我三農心。
况當苗秀時，待澤尤在今。
日暮望天衣，幾縷紫遐岑。

四月八日

相風金鳳恰迎南黛染園林綠意含景物清和欣夏首
芳菲宛轉過春三丁丁漏永花間箭簇簇眠遲箔上蠶
靜對幽風占月令誰將生滅問瞿曇

結緣

我聞一切佛令人滅緣起緣起尚須滅豈有結緣理今
朝四月八俗傳浴佛禮云是淨飯宮悉達生所始種種
除垢香煎成五色水佛生本無垢何用頻澆洗纍纍籬
邊豆引蔓忘憂喜燃萁鼎烹之謂結緣須此豆悟人則

癡有似兒女子此禮出釋家其師應怪鄙伏臘隨俗尚
亦復聽爾爾飽喫豆百顆更賦詩滿紙問柱佛生無燈
籠答唯唯

蛙

閣閣哇哇韻未闌夕陽時節沸前灘借占噪爲晴將雨

蛙沸爲將
雨之兆云

不問鳴因私與官遠浦岬頭羣坦腹青蒲叢

底獸交讎人間黃犢辛勤甚汝是支離獨自安

陰

出岫葉猶輕，暮空陣旋結。白日韜其光，終風漸收烈。釀
澤仰豐隆，爲霖候列缺。松陰綠方重，鵲噪聲將咽。粉壁
蝸牛篆，花天沙燕頤。一犁願未央，三農望尤切。

詠牡丹擬禁體

不用富貴爛漫並
姚黃魏紫等字

葉概花姿天與真，松爲好友石爲隣。可知氣韻饒羣卉，
肯以容華媚主人。蝶醉未醒風似麝，僧叅初定月如銀。
憑軒不雜笙歌賞，恐使清標漸染塵。

柳絮五首

綠雲紅雨日逡巡
又見楊花點玉津
未譜幽風歌七月
却看北地殿三春
紛如道韞詩中雪
污比元規扇上塵
每對清和賦雲漢
長空宛轉越愁人

沿塘回首憶生稊
條忽輕棉點欲迷
試看逐風真蕩爾
可知辭榦渺愁兮
烟中絲裊宋家殿
浪裏鶯流蘇氏隄
誰似參寥遊物外
禪心灰盡喻沾泥

簇砌鋪阿色似霜
從知駒影迅堂堂
披裘無那王恭老
泣路應憐阮籍狂
灑宇飄飄迷蝶舞
入池喁喁惹魚忙

花天月地粘還滯白白紅紅兩不妨

簾櫳亂撲任雲霏王謝應勞麈尾揮瓦雀半鶻書案膩
河豚欲上玉刀肥團風湘浦疑柑點映月秦樓訝雪飛
獨有村民思麥雨好將迷谷擬天衣

春回南國恨何窮別緒離情滿碧空未必猖狂如浪子
每看搖落讓雄風下惟雅稱觀周易縛帚應須命越童
不似武陵源畔樹糝波餘得一溪紅

康親王七旬壽辰詩以賜之

佳辰欣降嶽伊古重維城寶錄繇遐算宗潢尚老成
珮懸夏令壽酒介春觥難老期臣庶深情况父兄河間
曾有獻柱下不徒彭帶礪河山永千秋與國榮

飼魚

風日清且淑溪流澹復滍文鱗泳碧澗不辨鯉與鮎投
餌偶飼之匪學漁人貪依蒲任潛躍爭食羣喁噉忘機
鷗鳥集知樂魚兒快物各含生生妙意觸目叅

立夏

習習薰風拂面來
南訛平秩驗恢台
輕棉脫盡人眠柳
規葉圓成鼠耳槐
花裏遊蜂衝雨去
溪邊狎鷺度雲迴
黍疇麥隴皆需澤
誰管韶華暗已催

讀資治通鑑綱目

低押湘簾綠影斑
時披青簡度幾閒
千秋不盡興亡故
一念惟爭敬肆間
功繼麟經誰復竝
文如遷史尚須刪
獨予鑑古心恒惕
俗慮塵緣未許攀

癸亥孟夏肇舉常雩禮
適以患瘡不能親詣謹就

園中齋居滌志以邀

天貺瞻望

南郊敬成長律用申悃忱

龍見夏維孟年祈禮用雩肇興詔衆議盱蟹仰

元符與祭訓恒凜致齋心匪渝省愆欽旭卉

沛澤願昭蘇况復秋臨麥尤殷雲上需江風翻石燕海

日鎮金烏

天綽應垂鑿臣忱信未孚徘徊瞻碧漢惠澤曷寧吾

陰

釀澤雲布空收威風返壑氛氲暗林巒黯淡靜簾箔豐
隆馳素馭金烏稍斂爚佇待靈雨零普蘇甫田涸憶昨
三白積滿擬有秋樂春杪缺甘霖入夏驕陽熯縱遲五

日期

蘇東坡喜雨亭記云
五日不雨則無麥

望潤心如灼覽古企休徵泰

階調六幕連年憂旱潦信矣余德薄彷徨立階除翹首
天衣脚

蘆洲

蘆洲靜夕陽疑疑帶前浦飲波惛魚遊戰風藏鷺舞搖
漾含清漪畫意澹空宇埭竹刻爲雀淑艾裁成虎爾蘆
獨無用叢生適其所拏舟風晚籟對之默不語未麥遲
舒秀青青唯有汝喻政我多慙望澤徒延佇

蝶

春苑探黃復逐紅粉身蟬翼判東風幾番栩栩舞韶華去
誰識青蟲出菜中

夜雨

欵枕簷泉滴甘膏入夜零麥苗思裏沃蕉葉響中青不
苦無眠悶惟欣有點聽忘言清漏永真合雨稱靈
山側晚雷殷爲霖待密雲忽傾三峽水迅掃半天氛佇
望經春破徐聽過夜分宵衣非宴樂差以慰民勤
浙瀝韻空階清吟意趣佳心殷禾麥雨漏報丙丁牌出
埒繩盤蚓沿牆篆走蝸好生天地德與物戴恩皆
文窗檠影暗寤對興悠悠首夏全無暑來牟半有秋梧
階紛奏筑菱沼暗增漚霑足知猶未歡餘轉慙愁

御門日雨

夜聽溱瀦滴井桐連朝膏雨沐

皇穹二年蘇澤差如願萬國關心敢息躬望去長空霏
霖霖歡來大地解蟲蟲常人漫苦巾車漬後樂先憂爾
我同

明旦乾乾凜亦臨憂從春杪到而今已欣若藥瘳時疾
信是爲霖沃朕心柳外亂珠隨浪濺簷間細溜帶烟斟
侍臣莫擬張韓賦齊鄭猶然待澤深

紫藤

紫藤花發淺復深
滿院清和一樹陰
儘饒裊裊嬈嬈態
安識堂堂松柏心

晴

閒雲歸遠峰
高空淨如洗
亭皋清且淑
紗牖玲瓏啟
憂心此稍釋
暫覽風物美
青青帶潤針
馥馥含香蕊
平林泛輕籟
別渚漲新水
湖山弄霽光
靄靄吟望裏
念予經旬愁
茲喜良有以
猶慮澤未普
天恩詎宜恃
吾民衣食

謀巨任將誰委以此數年來樂日堪屈指披圖欽古哲
兢兢惜寸晷况昧康乂術遑敢懈敬止永言勵此心陟
降監厥士

陳世倌高斌周學健等兩江查賑回得悉近日情
形稍慰怒愁因而賦此

淮水歲爲灾戚戚念未已每接方伯章中夜披衣起去
年復大饑錢鏄安可恃吾民實匪魚久處波濤裏溝壑
多餓殍玉食豈能旨博賑救目前永逸謀所以輶車簡

信臣災壤命周視公帑詎惜吝高下窮量揣諮諏洽與
論後此庶寧只復命對勤政如見吾赤子墊居式少康
東郊亦興耜淮黃流各安畎澮經伊始嗟予德誠薄致
饑咎誰委空懷饑溺思仰對

天威咫尺

賦得折檻旌直臣

五言排律八韻得交
字試翰詹諸臣題

玉繩低鶴禁朱鳥煥螭均鸞扇非烟散鴛班委珮敲佞
臣方唯唯直士獨嘒嘒自具松筠操難容涇渭清櫻龍

鱗豈怯折鹿角曾膠奚用檻重輯還同罟不拋納忠餘
宿將介節嘆征茅企想都俞世盈廷喜泰交

神木行

黃木廠有巨木長六十尺其圓卧地蔽騎者弗相見也土人稱曰神木相傳明初建

北京時自南方輦致之以其中繩墨故弗用其皮膚因年久剝蝕視昔為猶減云

孱顏穹谷羌天宇冥靈大椿生是所天地精英神鬼輔
化爲鄧林疑夸父燕京初建明成祖搜索室奉爲楹柱
撫之不中雷霆妬叶虎狼怒齧蛟龍雨千夫舁走日里
許夷山堙壑壞屋廡難依繩尺梓弗取橫岡偃卧安厥

處閱歷歲月殊今古徑類脩蛇圍若堵騎人去來蔽弗
覩之篆剝蝕蟲與鼠謂云神來神其下叶我聞樗不夭
斤斧胡遭大斲辭嶮嶮視之枼振差猶愈材不材間應
見汝

雨歇

雨歇西山翠靄深風漪莎影潤堂襟南榮茂對恢矣候
一卷義經味道心

陰濃潭樹弄幽姿池畔徂徊得句遲
寂愛麥疇含翠潤

片雲猶作雨絲絲

漲波澄鏡漾風淪一葉蘭舟泛玉津
汀鷺俱得意好收佳景入題新

溪光山色罨窗紗草木懷新清
且嘉驅盡煩煬憑宿雨歡情真共萬民家

初遊香山作

西山衛帝都勝蹟由來久蘭若何紛夥
永安斯爲首

香山

寺名也我來攬景概正值新晴後
朏明發御園蚤食至巖

口爲境清且幽苔磴篆蚪蚪遠睇見宰堵近却蔽林藪
尋徑乃得入疑有山靈守豁然壺天開佳趣無不有掛
一恐漏百爲縮裁詩手林扃引清籟巉岈抱復陡到山
息俗念窮探絕塵垢皈依禮法王如聞獅子吼旋啟來

青軒天藻瞻顏柳

來青軒有
御筆普照乾坤

皇祖
四字

俯望暢心神碧

浪翻千畝稍憩棲雲樓嵐烟冪紗牖但聞琴筑聲泠泠
滴階右桃源與北山視此應覺醜徘徊不忍去耽靜亦
物誘駕言返勤政治理商臧否從無香山詩非是相孤

負騁遊吾未遑茲來亦其偶

來青軒恭瞻

皇祖御筆普照乾坤四大字

勝地絕塵喧

璇題耀網軒餘波流墨瀋健法突釵痕尚覩雲烟潤
因驚歲月奔

聖情空想像長此照乾坤

來青軒二首

松棟久擅徊遐心一暢哉禽言留客住山色送青來宿
雨滴岩樹輕嵐拂砌苔綠疇千頃浪是我放愁纒

屏風背遠山畫障面平野邱壑靜入吟松篁翠堪把閒
雲認岫歸薄霧出楹寫倚檻盼蒼茫遼天孤鶴下

香山示青崖和尚

峰含宿潤黛螺新一脉曹溪試問津憇彼來青之梵室
對茲衣紫者山人却欣觸目皆無滓不必談元始遠塵
坐久蘭烟消篆字禽聲樹色摠天真

香山雜咏

翠色侵眸遠近峰分明萬朵玉芙蓉尋常題畫饒佳句
不及無言倚古松

獨開軒檻號來青面面情巒展畫屏詎以遊山忘穡事
一川綠畝望中馨

梵宇依林界道斜忘機直欲卧雲霞妙高堂裏閒吟罷
漫喫山僧公案茶

聲聲琴筑滴周除松鳴雲莊切太虛爲驗麥秋來雨後

頓教心地適幾餘

從來佳境山靈閱此地初遊始信真日暮西峯雷雨驟
天龍應爲洗紅塵

棲雲樓

爲愛巉巖架木居風潭清泚朗吟餘泉聲入聽淙苔砌
山色迎眸罨綺䟽性僻烟霞聊復爾心依谿壑偶相於
晚來松棟歸雲冑不遣微鱗皺太虛

峯圍堂背竹梢簷雨後新竿幾個添佳景自然來座席

宿雲時復潤階廉粥魚齋鼓尋常聽樹色山容取次拈
更喜麥疇青意好千家餅餌望中炊

題曹夔音仿董邦達匡廬圖

山不龍從偏峻極水惟停蓄故奔湍引予逸興尋溪路
撫彼長松愛夏寒鹿柴魚梁皆得趣澹粧濃抹摠宜看
漫因形似評荆董

董邦達是圖蓋仿荆浩筆意

刻楮工夫有底難

芍藥

婪尾春光飲露酣金鈴風度響醢醢倚闌一種無言恨

只妒花王青出藍

芍藥先出牡丹後出而繁豔尤勝云

讀書

時雨既霑足園林清且幽
麥畦含潤佳藥欄生香稠
三農均豫悅而我稍解愁
解愁夫何爲惜此寸陰遒
檐楹垂珠箔枕簟涼如秋
插架富圖書義蘊供探搜
汲古仰前哲孜孜不肯休
矧予乃下學安敢弛厥脩
文武道在人德行速置郵
斯民三代民胡日趨佻
偷欲期教化行先裕衣食
謀展轉成寢薪歲月不我留
把卷發深省懼

貽空言羞

雨前茶

二月新絲五月穀窮黎剋盡心頭肉
花瓷偶啜雨前茶
徬徨愧我爲民牧

雨

初聞遠雷殷漫空忽雲布遙峯失青翠
亭午如日暮雲
陣何喧壓萬馬空中度乍疑傾呂梁
瀑濺香爐樹列缺
驅雨工矯首正憑怒淋漓玉珠迸摩
醯難知數含潤蚓

出泥避濕蘆藏鷺昨欣甘澤零今復沛膏澍望歲稍解
愁撫已彌增懼

賦得數問夜如何

五言排律六韻得中字

月淡明河北星稀碧宇中雞人將報曉珂馬想因風待
旦懷無逸衣宵惕有終求賢四門闢望道百王同籟響
螭階玉鐘鳴虬箭銅昌言誰告我藉以啟蒙冲

寄題香山禪房

從來不識香山面一見還如遇故人總是依空成幻翳

亦知耽靜即根塵間禽啼葉翻真偈古樹棲岩作好鄰
他日入雲容借訪薜蘿深處覓題新

麥浪

雨餘麥氣潤懷新
正及時露珠貫秧針
翠色翻風漪
停輿綠疇邊
眺覽心神怡
愛此恩波中
釀出餅與糝
却憶三春杪
待澤徒嗟咨
一雨蘇二牟
鴻鈞信無私
饑溺切予懷
先憂奚可辭

雨中泛舟

油雲暗遠空絲雨漲前浦拏舟弄涼汰冥濛迷處所
盆傾乍澎湃萬珠跳碧波不必香爐峯九天落銀河
堤柳盡含烟岸山忽如沐一棹滄浪風高吟攬清淑
浙瀟穀紋增漁磯已罷罾獨思壠畝潤差以慰心憑
茗爐供靜淪詩帖亦閒裁猶見西山雲橫空送雨來
棹破一溪烟閒鷗下遠沚何須并州刀剪得吳江水
灑迥織千絲飄風濕几席推蓬眄天水一色相連碧
雨脚尚廉纖停橈意獨快晚來雲散處露出數峯尖

題周鯤畫幀

湖山佳致是春初，應有幽人欲卜居。
幾曲芳堤韶景駐，一泓新水鑑光虛。

雨後晴巒暖霧蒸，銀河飛處界峻增。
商山面目今猶在，只許黃公杖策登。

金碧樓臺倚白雲，當年大小李將軍。
垂簾藝綠渾無事，自剪天霓作舞裙。

前浦渟泓後漱連，遠山如帶鎖晴烟。
竿絲獨弄澄波濶。

爲取來朝蕢酒錢

竹姓昆蘇齋是蕭朝嵐夕靄儘堪招苔階把臂談元處
我亦因之過板橋

溪亭十笏俯清流六月春光六月秋說與同宗愛蓮叟
從今花姓合歸周

茅齋晝靜綠陰濃當戶疏峯翠幾重最愛笠亭臨絕澗
跳波時聽玉琤琮

滿目秋光杜牧詩停車獨對晚涼時龍沙恍惚憶曾題句

月落峰邊第五枝

蘭若鐘聲出碧嶙
白雲濃處辨難真
坐叅倚詠清無滓
合有衣冠拜石人

山村門對夕陽開
識路牛羊自下來
場圃築完禾稼納
老農今日放愁纒

近岫遙岡接碧空
披麻皴法數王蒙
何當結宇蒼松下
鎮日吟哦佳蔭中

赴澗銀龍凍亦流
巖容麓態玉雕鏤
板橋驢背衝寒客

試問奚囊得句不

賜蔣溥巡撫湖南

簡昇羅英俊咨時切治安江湖襟帶地風俗易移難毅
賤籌農苦棉輕慮歲寒承流敷渥澤應共洞庭寬

西海泛舟因至玉泉山

輕雲鱗碧空蕩暄朝爽湊湖山靜且嘉草木含芳秀小
舫泛西海西峯如在圍招提隱岩阿金彩樹間透沿流
試尋探玉泉宛相就是時新雨後活活涌銀溜拖爲綺

穀紋激作珠玉漱猶疑天上雲飛自石邊竇山鳥何間
關林陰亦濃茂郊圻一騁望綠疇如錯繡憂旱心稍釋
此焉遣清晝

柳隄曲復遙烟容相掩映
沁藻有餘芳蘭舟坐明鏡朝
涼拂衣衫佳致供清咏俯仰無纖塵我意如茲淨

心遠閣

灌木叢陰綠正濃間間微見遠山容
若非老杜詩中會
定是迂倪畫裏逢

初夏靜明園

法海

名寺

東頭西海西湖山佳致似蘇堤雲中古寺紅遮

樹雨後新苔綠滿蹊愛看黍疇牛撥壠儘教松棟燕銜
泥倦遊得句鳴歸棹一帶橫塘烟水迷

槐陰庭院夏初長新霽頻添花草香蘿逕獨尋披宿潤
紗櫺閒啟納朝涼徐聽溪漲饒蛙沸極目天空任鳥頑
西海不爭多一勺白雲綠樹渺蒼茫

苔阪莎塗露氣浮山深九夏似新秋鶴如有意依松立

水自無心繞戶流
閒榻來禽憑棐几
緩烹小鳳泛瓷甌
靜中省識羣生樂
慰我尋常望歲愁

夏日北遠山村泛舟

葦岫沙汀曲復斜
溪村一棹玩清嘉
田間野老騎秧馬
術上牯牛轉水車
試舞鶴雛雙羽襪
學謳牧豎數聲啞
迎眸好景披圖畫
何異遊仙泛若耶

西山凝黛望中遙
時有輕雲出岫飄
潤逼林皋當首夏

甘流泉乳想餘姚

蘇軾詩餘姚古縣亦何有龍井白泉甘勝乳

連天樹色清

依檻得雨溪聲漲到橋寄語方壺員嶠客好携烟侶共
呼招

煙容水態罨篷窗無恙輕風掛竹簾出埭玉勺纔个个
掠空沙燕故雙雙僧歸野寺間行杖人過山村遠吠尨
日暮西峯飛雨脚擬聽徹夜亂珠攔

雨中焚香泛卧遊書室

霏霏細雨千絲懸滄波萬頃含輕烟
芷蒲岍柳濯新綠棠舟偶泛空濛川
浮波野鷗梳濕羽亞堤山卉垂幽娟

卧遊奚必披圖畫
儵然清絕消萬緣
宣銅乳爐烏卿熾
深深隔火安古錢
不須都梁五木品
水沉細炷清芬便
細叅鼻觀滌塵想
却憶書室曾忘筌
油雲忽來天宇暝
灑迥如聞飛瀑泉
無色聲香原即此
咲伊兀坐求逃禪

鶴雛

鶴雛纔出殼
便具凌雲概
矯矯學其母
不似鶴雛態
身依泉石邊
意在煙霞外
却笑籠中雀
待飼徒延喙

閏四月十三日聞蟬

維舟柳港綠漲平一奩鏡影含空明忘言徙倚萬籟寂
忽聞新蟬候節鳴抱枝隔葉流響澁啁啁如弄無簧笙
下映澄碧波紋清垂縷似訴隔歲情隔歲風光却常住
吟喬時飲枝間露何必流陰感昔今由來幻景無來去

御門日方與大學士等慮及山東河南尚未得雨
而山東報得雨之奏適至喜而有作

忝繼百王後俯臨三代民民天實予責詎以遠近分所
期赤寓內比戶利耕耘耕九而餘三庶免溝壑淪幅員

既以廣大造安能均澤國正思暘山田猶望雲誠哉天
地大不能無憾人緬想畿輔間待澍當杪春早暎雖未
形憂心己如熏旋得尺澤甘解予愁緒紛麥秋轉可望
良苗爭懷新爽氣來軒除几席清無塵豈其慰目前忘
彼齊與陳東郊需一犁午夜縈懷頻惟茲共時亮二三
休休臣負宸咨綢繆肯惜司農緡忽接方伯章降康知
自旻泰山雨崇朝汶泗波粼粼乃知得禾書誌喜良有
因誰無望蜀念展轉生戚欣尚慮鶉火墟此日膏猶屯

素絲行

陌桑葢落成枯杻蓬屋啣軋鳴繰車繰絲縷縷長且白
爲織吳綾與越紗吳綾越紗薄似霧美人中裙裁紵布
殷勤熨帖臨溪浣惟恐纖塵或沾污素絲素絲如君子
太初之色通表裏云胡黃黑任人爲墨子悲之良有以
青青水中蒲

青青水中蒲不可令入食古哲惜分陰所愧乏寸德
青青水中蒲水退隨枯萎爲人不自立坐廢何異此

青青水中蒲蛙蠅之所居古柏棲野鶴落落凌空虛

鷺鷥籠

籠中白髮雙鷺鷥點綴園景近水湄隨時食宿且得意
不須珠簾繡柱圍野鳧天際翩其飛忽集籠上側眼窺
昂昂似詡無羈束不知雙鷺還相嗤籠中稻粱差足飽
無心遠舉雲霞表江上漁翁富網羅安得雌雄鎮相保

觀圃

町疇堪蹠足奚事尋仙源葦蕪堪寓目何用滋蘭蓀靈

雨既已零勃然生意繁第觀萌且芽區分莧與芑圃師
良苦辛插槿周植援手轉渫井華沃彼嘉生根匪期事
遲學亦欲知統論是中足尋玩真味勝雞豚

夏日心遠閣

誰云木葉落始得見山容翠蓋嵌丹嶂益覺螺黛濃探
竒闢林闢覓徑步蘿封傑閣此稍憇豁然蕩心胷長煙
靄一空綠樹凡幾重麥秋指顧間觸景懷良農

白雲縷遐天心與雲俱遠誰知溪壑幽即在宸遊苑惟

暗閣前樹屏圍閣後巘霧雨時霏霏野卉清芬滿古鶴
隔松聞長歌謝軒袞

清音齋

繡錯階除花氣薰誠知大塊有真文禽聲不厭閒中聽
泉響多從靜後聞暫借梵言叅色色難稱王道欲云云
華胥夢裏觀無始古鼎心香獨自焚

靜明園雜詠

輕雲連嶺石細雨合溪烟滌慮觀元化澄心聽玉泉花

香紅映宇樹靜綠侵筵觸處成幽賞同歸文字禪

新水漲橫塘舟維古柳旁雲山觀動靜花木驗農桑醉
蝶翻紅藥踈蟬語綠楊入窗峯帶潤望裏漸蒼蒼

雲容白淡陔樹色綠婆娑獨去鷗尋侶重來燕補窠苔
痕鋪舊砌波影盪新荷素志依清曠於焉洽薜蘿

涼透網紗牖芳圍藻火階有時臨玉版棄日布詩牌波
泛雞頭芡庭陰兔目槐山光兼水色次第入吟懷

射

燕角勁而柔楚棘直且長值此萬幾暇學彼六藝良風
日散清淑佳蔭含微涼虎賁三千人掄才盡鷹揚鹿正
依法設繁弱亦已張觀德誠在此爲仁良可方伊余有
會心圖治思興唐文皇譬脉理慄慄懷幾康三復凜載
舟數載徒望洋

湯泉荷花

直榦擢溫波重葩凌細藻散芬殊清幽弄姿不妖姣却
顧別浦中田田葉猶小榮華既先羣零落亦偏早對茲

綽約容因識盈虛道

討源書屋

苔紋芝篆綠侵坳避暑軒櫺豁且摩每對南風思舜曲
從知大地總羲文有源活水成琴弄不盡青竿雜珮敲
愧我未探書逕路擬將吟興自今拋

花香閒靜鳥聲和咫尺林泉偶一過暫學高人開北戶
還同兆庶樂南訛當窗畫景開青岫泛水書機玩白鷺
坐久蛟爐消篆字人情天理驗爭多

內閣學士兼禮部侍郎李紱以病致仕歸里詩以
賜之

三朝曾侍陞七十竟懸車進退誠無忝邱園信有諸病
餘宜樂志老去尚耽書素悃依閭魏高年息闔廬學嘗

兼慕陸

李紱平日講學謂朱子道問學之功居
多陸九淵尊德性之見為卓此語頗是

節應上

同疏尤喜臨辭闕嘉謀實起予

朕問有所欲陳否紱以
慎終如始為對實愜朕

懷也

再題討源書屋

南陸朱鳥飛北阿綠陰散露苔簇砌茸星榴照楹燦周
除有清流列几無俗玩猶聞新蟬聲隔林續復斷忘言
適靜思披卷多遐歎千古讀書人知倍行率半踐履吾
未能時失誠可憚



御製詩初集卷十四

欽定四庫全書

集部

御製詩初集卷十五至十八

臣永瑤恭校

侍讀臣孫球覆勘

總校官原任中允臣王燕緒

校對官學正臣李巖

謄錄監生臣于希賢

欽定四庫全書

御製詩初集卷十五

古今體一百八首 癸亥四

進宮見路旁禾麥喜而有作

昨冬三白誠霑足遺蝗入地無須卜今春靈雨復頻零
有秋早幸天錫福婪尾韶光入夏初絰旬未得甘膏霖
五日不雨則無麥誰能慰我宵衣獨一夜西山殷其雷甫
田尺澤資澆沃枯者以蘇苗者秀或雲而黃或油綠豈

無町畦藉驗農郊畿未必同在圃叶北郊有事應齋居
星言駕彼六龍夙憑輿歷歷度村墟麥原木阪皆在目
降康允矣大造仁九重歡戚同茅屋此日憂懷釋流覽
遐心更復厯六服安得寓縣均有秋祈年展轉眉常蹙

夏日瀛臺

文墀綠縹軟莎茵鏡水屏山盡遠塵風過橫塘筠是珮
雨餘曲岸柳為人目窮碧落興懷舊景豔未明得句新
猶憶丁年多暇豫扁舟時泛藕花濱

雲鏤林關綠欲齊瀛洲一迳步芝隄披餘芸帙香盈手
坐久蘭烟篆吐猊畫裏湖山空粉墨鏡中樓閣印玻璃
南薰茂對澄懷永太液波涵萬象低

泛舟太液池作

黛染林西數朶峯分明倒浸玉芙蓉潤合曲岼深深翠
漲過平橋暗暗淙幾隊仙儀排控鶴一泓蓬島泛游龍
金堂十二非吾慕只有華胥欲問蹤

題瀛臺舊書舍

精舍遙看渚嶼連，依然書帶綠窓前。那無逸興如今日，剩有殘題憶昔年。樹色溪光成靜賞，花香鳥語絕塵緣。旋臨勤政咨時務，邳理遲登愧古賢。

夜雨

欹枕懷無逸，投階聽不嫌。鳳城清覺切，鴛瓦響頻添。有喜占多稼，長吟樂既霑。麥秋思泛浪，花氣想薰髯。如在三天上，能消五月炎。須臾雲縷散，櫺際影流蟾。

瀛臺獨梧樹

瀛臺獨梧樹凌雲勢方上森森孫枝稠團團佳蔭廣吟
風入靜思滴雨增幽賞鷓鴣不敢棲疑結九苞想撫摩
綠玉質擅倚懷疇曩

夏至齋居即事

黼辰遷常座明堂闔左扉撫辰懷壇代勅命凜時幾北
陸將依晷南薰慢叶徽蕩暄風習習燭鬱旭暉暉齋處
封章少遥聞晝漏稀敢期誠意假因驗道心微

清夜吟

人靜夏亦涼清夜不知短馥馥檻風微盈盈花露滿滌
慮聚精神約躬屏宴衍憑何遣永漏古史斯為伴鏡已
兼鏡人哲言豈予誕燭跋留玉檠城鐘續還斷

詣齋宮

晷度運無停測圭日行北星火律蕤賓陽長亦云極炎
涼即漸更盈虛理可識羲經對四聖中心怵然惕
怵惕恒自厲明且凜亦臨豈以崇高位而懷安樂心撫
時玩法經觀象思柅金北郊方有事夔夔倍翼忱

翼忱此齋居祝版視詰朝遵古詣壇宮六龍亦已調警
蹕傳千軍追陪肅百僚黃陌駕和鑾琴履如鳴韶

方壇既莅止周視几筵位澤邱惟古制黃琮斯為瑞小
子承百王毋踰敢弗備退即齋宮宿惴焉發虔思

虔虔念千古興衰曷有常天地鑒惟誠書史載厥詳如
歲有復姤如月有盈匡往聖垂明訓永矢以弗忘

輦中偶成

玉輅金根次第排南風奏爽一天佳芙蓉丹啟雙層闕

蜿蜒黃鋪十里街
珂馬不殊清曉韻
雞人初報午時牌
崇高自奉非吾事
每念君臨倍惕懷

北郊齋宮即事

宇靜踈心排窓虛爽氣
偕百年今重葺預日此來齋
默驗陰陽運深探理欲
茲僕臣方苦熱嘉蔭有崇槐

清切玉階深虬松蓋影
森詩拈今夕景鳥弄舊時
音信可消塵慮非關散
遠襟明衣披問夜有事敢
忘欽

夏至日有事於

方澤禮成恭紀八韻

赤馭臨鶉首

元郊祀厚坤明裡依古制博產仰

洪恩矩澤瞻南陛樞星步北門一心誠有恪百辟敬無
言

神緯垂圓幙靈光照繡垣牲微滋美德樂究太初元八
奏咸池會重壇瑞霧噴為民期獲福多稼錫維縻

迴圓明園道中作

豹尾魚須拂綠楊
輕輿時送早風涼
蘭衢莎埒經行處
想像千家餅餌香

祠廻非是縱宸遊
晨景冲融駕六蚪
數日

慈寧踈問寢趨承
色笑倍依留

露濕青臯曉氣清
千官霧擁佩魚鳴
由來盡有臨民責
撫景應同望歲情

麥隴行知半有秋
大田多稼正盈眸
雨暘此後猶難定
展轉何能暫解愁

吳鈞行

置酒且莫飲聽我歌吳鈞古人重氣節一諾為君捨身
而報仇專諸已成原上土伊唔揮塵誇風流短歌行歌
吳鈞君不見百鍊剛亦復化為繞指柔

長相思

長相思思且長未如嫠婦憶征客非關遊子懷家鄉
怒如調飢誰慰藉日復一日中心徬徨思且長長相思殷
宗夢裏圖形日周帝占中獲士時嗚呼望美人予曷其

遇清歌一曲長相思

初夏江村

初夏江村靜且恬
溪光山色入吟拈
黃梅應節標乾腊
綠麥臨秋餽碾飴
鶯發新簧梭苑柳
燕尋故壘掠湘簾
漁郎蓑笠搖歸棹
披得如絲細雨纖

觀競渡

飛龍翥鳳鬪華紛
一片波光萬鏡分
艾子今時蘓玉局
虎兒當日米敷文
中流鷺羽催歌管
夾岸榴花妬舞裙

千古弔忠傳懿好靈均奚事問靈氛

夜雨

心靜不嫌夏夜促桃笙歌枕涼如玉
琤琮蕉葉隔窓鳴
芬馨雪蕊依階馥已知麥穗屆秋肥
更想螺峯翠新沐
夢中似倩米顛翁圖得瀟湘烟雨幅

題消夏圖

纖塵不到讀書堂座擁芸編發古香
商鼎周彝自典重
檻葩苑樹相芬芳魚兒泳浦分菱面
荔子堆盤摩葯房

詎解怨咨憂暑雨高人贏得小年長

泛月

玉鈎生西嶺流光明且潔湖山增靜嘉几席殊清絕晚
來驟雨霽涼籟催殘熱哉魄届上弦梧影弄明滅照編
欣有輝如輪慢愁缺扁舟恣吟覽儘堪自怡悅

螢

葦叢纔熠熠柳岸漸飛飛飄迴疑無質迎秋漸有輝舟
行隨秉燭人近不燃衣腐草猶然在前生認是非

捕鯉鯪有懷

鯉鯪之名見於小雅魚麗。鯉即俗所謂黑魚。鯪即鮎魚。蓋鱗屬中竄賤且惡之種。而捕之則甚難。觸目興懷亦有所託云。

濬沼植菱芡。園以陂與塘。澄流深且濶。鱗屬恣潛藏。在淵日以久。美惡類繁昌。一朝事搜捕。欲去其莠穠。惟此鯉鯪種。如彼獸中狼。君子所不食。見韓詩外傳太液安可容。

叶况食其比倫。鯉鯪胥被戕。獨恨頑惡流。偏足趨避方。

網罟既難獲竿絲亦弗上叶有人謂余言魚居水中央
截源涸其波彼醜安逃亡依策試為之重施隄與防鱧
鯿伏汙泥所陳鯊鯢魴是謂思去惡反為善類殃世事
有如此對之增慨慷

熱

昔余究元理心地足清涼朱明任歎蒸一室如禪房茲
余塵民瘼視民恒如傷時維暑雨候怨咨豈能忘炎氣
當亭午盾日方熾昌念彼隴畝間曝背正耘秧茅檐蠶

事急經緯忙吳娘蘊隆非所憚勤劬實可減豈無九重
居廣廈簾垂湘水盤與雪簟溼濫翻寒光展轉苦煩熱
心在黔黎旁日夕思其艱怵惕不敢康安能物外遊逍
遙學蒙莊

蟬

飲露弄繁吹因風出古槐不須催落日取次秋光來
輕翼垂微風時挂喬枝上承蜩引兒童只為流踈響

題載月舫

漸看如輪規影圓
蘭橈偶泛鏡中天
滿湖錦繡翻風芰
夾岸笙歌噪露蟬
熠燿隨舟燃浦燭
鷓鴣集渡破溪煙
飛觴醉月非吾事
幾暇時吟七字篇

年年載月弄扁舟
一例蟾光漾玉鈎
但覺圓明空外合
誰知今昔暗中流
乍聽蛩語催殘日
嬾看蘆花引去秋
既倦無須興感慨
拈花早已悟浮漚

夏日建福宮

松檜陰森綠映筵
可知鳳闕有壺天
含風薜面紋常縐

得雨花心色更鮮棄日一篇詩詠杜消閒半幅紙臨宣
渴烏虬箭無須報旭影階除即漸還

粉褪新竿幾個亭吟風踈籟亦堪聽
寂欣幽賞供清睽何必遐觀
罨綺櫺鳥過花林紅瑣碎烟含蘭畹紫
丁星假山徹夜流甘雨夢作匡廬瀑水冷

丹楓底事慕山林無那松篁瀟灑心境自遠塵
皆入詠物含妙理摠堪尋
金城漏永芙蓉靜玉宇宵明象緯沈
正是南薰長養候好將解阜驗鳴琴

題王原祁秋山圖

三庚無那暑氣炎紗襦八面開書室吟哦靜裏遣小年
左圖右史陳無逸挂壁吳綾裝尺幅本朝作者麓臺筆
規撫唐宋弱元明胸中自有天然質一川平遠萬里空
插天青嶂高無匹尤愛老松巖腰出羊腸難上疑盤屋
溪亭對此聽飛濤蒼石白泉復澎湃如是坐觀無卧遊
觀遊兩忘三即一滿座清涼似作秋梧梢輕籟飄瑟瑟
不知題句者為誰長掇芬菁消永日

搖扇

風從扇裏出扇自手中持一二二而一當前悟即離

詠塞上達蘭海蘭松木皮筆筒用舊題韻

雁塞竒木無不有海蘭亦得同名松樵蘇不到歷賢劫
老龍鱗甲含烟濃渺予無德御中外所藉餘業致混同
守在四夷吾夙志干戈絕域息戰攻繕茲守禦備無患
薄遣戍卒更番重戍廻或致是筆室虬枝想像碧蔭崇
毛穎特立伴清詠墨池霏潤雀臺銅昔曾獲此木筆格

未知其膚知其中是物云即削皮為文如碧水含微風
拘墟妄分體內外辭林漫憶山葱瓏由來朴物儘可玩
志求竒巧將焉窮

荷

嘉生依淥水清馥滿銀塘讓節非爭豔隨舟暗遞香
曉珠溥乳露午夢穩鴛鴦處處逢君子何須華嶽傍

過玉泉

輕籟蕩平林晨鳥隱曉陰山葩看野色樹鳥聽幽吟初

地因相訪陳題此重尋
渟泓俯靈泚藉以滌塵心

夏日遊香山

道暑思清涼暫憩招提境
茂陰連窮岡迴風來複嶺松

簷何瀟灑石泉美澄泠妙高

堂名

真妙高几席幽且靜窗

前老虬枝童童盤碧影塵念既云歇
禪心亦以屏適然
何依著付與閒雲領

重基占佳勝一覽富萬概
雨後朝爽湊豁訝新染黛
高樓俯碧川烟雲呈變態
檐樹綠婆娑砌花紅瑣碎
遊心

竹素園匪慕須彌芥支公價誠論白傅山今賣

來青軒示青崖

謂人無念誰則然亦於念中觀其與詩禪兩忘我未能
梵室矧可蠲煩暑時因移石動雲根笑伊面壁安心所
披襟愛此向虛明拂拂涼颼蕩幽楚不必根塵忝色身
還將形迹泯吾汝來青軒裏晤青崖試問將來青幾許

棲雲樓作

香山不見却相憶既到香山山竝忘一徑偶尋薜荔翠

初庚獨坐衣衫涼
迴如碧宇吟懷曠
閒寄白雲幽興長
何異楚頌亭中客
三閭同心稱物芳

香山雜咏

朝嵐歛處谷風涼
萬紫芙蓉綻旭光
試擬香山真面目
澗葩巖葉搃芬芳

蟾蜍峯色翠嶠嶢
霧杜烟蘿一迳迢
擬待夜深吟月色
只愁寒處欲遶霄

丈室心香獨自焚
陳編妙契默會欣
林扃靜掩渾無事

時有鐘聲隔嶂聞

林齋倚檻試徘徊
雨後輕煙潤碧苔
若是山靈相借問
寄言今日覓題來

題唐岱山水便面

嘗聞名山有旦評
可覽不如可遊妙
可遊復不如可居
繪林想亦同茲道
唐岱筆法老尤健
雲烟澹染秋山照
縛茅蝸舍據佳勝
寒江堪弄嚴公釣
峰容樹態摠天真
碧蘿蒼石歸詩料
猶疑谷口籟作時
翠翠于喁號萬竅

是中應有肥遯人
召以蒲輪頭屢掉
豈似北山隱仕流
移文徒惹稚圭誚

對月有作

松梢方掩映星宇
漸徘徊軒墀有餘
清衣衫絕點埃
儂倚眄碧天愛此
宵光佳飛螢曳踈
星喧蚊殷其雷
階莎既宜步庭萱
亦可接動股彼斯
螽奏響墻之隈
是時夏方半而知
秋信來逝波無須
喻履霜良可懷

剪園蔬賜大學士等

雨後烟疏翠纖芒貫碎瓊露寡宜越葛風詠想周薇宛
似溪毛潔休稱山髮肥是惟土物愛何慮素餐譏

晚

斜陽隱西峰雨過生輕爽蟬聲噪周岍鏡湖平似掌荷
風送細芬一葉輕舟盪對茲空濶天聊結烟霞想

餅蓮

含芬雅合伴書帷兩字標名可作師但似清高塵不染
遠觀近玩總相宜

望雨

春杪遲甘霖憂懷已不禁
忽霑盈尺澤勝獲雙南金
迺者夏方半秧苗方刺針
高原與下隰均待天漿斟
屯雲聚復散震雷久收音
四野驕陽熾愁思與日深
嗟予德誠薄大君愧知臨
惟此祈年志夙夜懷欽欽
佇望有滄興慰我三農心

陰

微雨方灑潤輕雲時釀澤
晚來望西山峰頭縈絮白
初

月乍韜光高旻亦收碧早曠既云久待霖情孔劇矧多
暘死人余憂日以益不雨則無禾千里地將赤省愆愆
每多竭誠誠未格嗟予實涼德蒼生其何厄邇來甘膏
零繼此常霖霖盾日已知畏宣雲覺堪惜何當沛渥優
沃予愁懷怒

蟬

原隴綠叢芒溪田青茁秧三農愁夏去莫恁喚秋光

雨

朝躋在西嶺密雨灑空烟乍滌三庚暑俄傾百道泉沙
汀增吹蛤柳岸減鳴蟬詎恃崇朝澤尤殷終日乾

油雲散復聚膏雨歇還飄何幸滂沱沛差蘓秀實苗豐
隆施已溥炎帝勢方消滿擬宵歌枕臨窓聽綠蕉

丙夜獨無眠常吟雲漢篇恰霑優渥澤普被公私田豈
飴人已飽非藥病能痊羣生均仰沐緊我受恩偏

消夏

消夏依蘭沼遊思寄墨林軒墀足清趣松竹有嘉陰樂

志論閒玩來禽帖背臨三耘力田者辛苦正關心

烏漏箭方永蛟爐篆欲斜竹風翻簾雪花氣隔窓霞梧
儿披青簡冰盤薦翠瓜不須頻苦熱秋信未應賒

夏夜短

支枕興遐心因歌夏夜短夜短有長時時過不復返習
習梧風微馥馥香露滿手把綠字書目窮碧天遠待旦
彼周公忘眠我豈但

對雨

商羊舞碧空，綿雨滴踈桐。天地流和惠，乾坤解蘊隆。蝸盤涎作篆，蕉響葉抽筒。田隴迴生意，農家慶歲功。先秋望有稔，後甲念無窮。豈不自怡慰，還增惕若衷。

六月初十夜聞蛩

六月莎雞振羽時，無眠枕畔一聲詩。于今絕塞無征戍，知爾平添若箇悲。

年年秋思最撩人，傷砌初聽唧唧頻。徒倚披衣步明月，即空即色即根塵。

梧影扶疎月色流
陰蟲苔際已先秋
畹蘭圃蕙猶承露
任爾芳菲得久留

雨後

雨後林塘欲作秋
鶯塵不到讀書樓
山容恰向窗中洗
荷氣常依簟上浮
繪圃墨林餘薄潤
稻畦桑陌慰先憂
稍紆眉蹙愁雲漢
治理幾康靜討求

旬餘詩思歸何處
恰共甘膏續續來
人自解愁拋背草
鶴如知喜立新苔
西山翠色生巖複
北渚清漣漲岸隈

屈指西成猶有待課晴量雨幾低回

漪碧湖光漲蘊淪蘭舟閒泛藕花津風揚颿錦垂朱蜺
棹拂荷珠瀉水銀別浦暗傳蛙沸急叢蘆時穩鷺拳頻
由來一雨蘓羣彙生物從知大造仁

夏宵月下有懷

碧宇寫寒光踈梧含靜影風漪苔篆微露香花氣永莎
雞砌下吟螢火葉間炯九夏過強半漸作秋前景流陰
信彈指徬倚觀平等忘言對綠蕉蕉以無心省

與諸王泛舟觀荷作

新晴湖錦弄，積霞伴魚幾。餘桂檝，擘風葉，擎珠團。復散露枝撐，織直還斜。楚騷漫擬，稱荷蓋，周雅曾聞。咏棣華同我，憂勤同我，樂好緣歡聚。問桑麻。

西園泛舟至聖化寺

萬泉十里水雲鄉，蘭若閒尋。趁曉涼，兩岸綠楊，蟬嘒嘒。輕舟滿領稻風香。

遠山螺黛映澄潭，潤逼溪村。綠意含誰向，蕭梁庾開府。

幘頭買得小江南

淦淦輕寒上葛裳
物情人意釀秋光
芰荷惆悵西風裡
作意臨波豔晚粧

苾蒭一滴覓曹溪
覓得曹溪也是迷
何似無心閒逐景
好山迎我作詩題

連朝甘雨活彫枯
水畛山畦翠更腴
猶見西峰雲氣潤
阿香重展米家圖

虛靜齋

皇祖舊題額也感而賦此

守靜志常虛致虛心斯靜一二二而一泊然萬慮屏是

語古聖傳

皇祖得要領六十一年間用此安萬井孫臣誠愚芑汲
古乏脩綆身肩乃知勞况多愧衾影別墅閱松雲近此

招提境

虛靜齋別墅近聖化寺
皇祖常幸此

欲驗農桑功因攬湖山

景窻虛古梧翠座靜天籟冷尋流未逢源安得親質請

言念

噢咻恩潛焉涕淚永

賜紀山巡撫四川

國有銘勲典

紀山之父額倫特康熙間曾為湖廣總督後征西藏歿於王事

家稱繼武

徽宅中思教外布德並宣威波泛巫江渺峰標劔閣魏
賢勞予所眷四牡謾駢駢

再題聖化寺別墅

郭外川原曲復斜千章夏木蔭清嘉披雲步履扳蘿磴
掃石烹泉掇藥花隔岫數聲聞牧笛負林一帶恍山家

清吟靜賞消長日未擬心田長道芽

泛月

姮娥不耐獨徘徊推出東岡鏡影來秋意滿湖人未識
陰蟲唧唧岸旁催

澄廓湖光晚籟清蟬聲纔斷復蛩聲依稀昨歲舟中景
如駛流陰暗裏驚

浦雲染赤作天霞水態山容鬪月華為愛荷粧臨玉鏡
却教魚躍避金蛇

煩暑依遲向晚消
蘭舟獨放御湖遙
湛虛樓閣臨三島
涵影星辰動九霄

清吟靜倚畫中詩
渚畔停梳有所思
髯年來明月下
焚檀煮茗恰移時

日影

流暉散鬱溽
曝物增瑩晶
簷牙蔭廉直
庭柯上窓橫
金烏漸南翔
白帝催西成
垂簾坐清晝
消息驗虛盈
侵尋晷影短
惕我惜陰情

叢篠覆町暗濃陰日翦窈恒陽懸清光爽氣來亭沼砌
葩豔晚芳秋意歸何早懷茲履霜心奉是貞觀道幾餘
恣研精圖書誠靜好

六月十九日立秋

只道光陰遇閏留却緣遇閏迅如流炎官後陣猶騰穢

是日
熱

白帝頭銜已報秋蛩語漸從朝露絮蟬聲多向晚

風收司天謾進豐年驗

每逢節候欽天
監占風以奏

未至西成詎解

憂

萬泉郊園十詠

徑

曲徑接雲岫仗策供幽探何必陶處士高名獨標三

柳

纖腰風裏旋踈眉鏡中寫小軒只五楹窄地青絲下

池

圓池既孕珠方流亦含玉惟此一泓清盪滌心神目

亭

四面湖山畫滿欄
花柳風中有讀書人
把卷樂無悰

石

地僻石亦蒼
莓苔篆籀怪儼如
寇且蒙自學顛翁拜

泉

泉非呂梁洪
漩湫處處多
晝夜流不息
終成江與河

竹

詎止令人遠
兼能免人俗
細雨潤琅玕
彷彿渭川曲

松

閒看松上雲靜坐松下石咫尺小天門却在洛陽陌

圃

灌園日以滋嘉生錯如錦時來掇菁芬蔬食而泉飲

花

野卉摠無名堂襟隨意榮何須樹蘭蕙觸處暢生生

立秋後青龍橋道中作

香生禾黍玉泉隈鸞輅逶迤靜點埃雲歛天光依北迴
風傳秋信自西來蟬聲向午留餘韻露氣晞陽潤徹茲

寔是拈題宜素節停輿澄景幾徘徊

禱

黑龍潭而雨因紀所見

靈湫

神所宅澄波深且濇利民功久著澤物誠斯應我來瞻
廟貌肅然而起敬匪為求多福稼穡惟民命秦階六幕
調屢豐寰宇慶省歲率咎徵神乃司其柄獲佑以為愧
遑論諂與佞况茲實古蹟圓池明似鏡滌然鑑毛髮更

鮮鯤魚泳一鱗游其中昂藏無與競
頗頗露頭角如具飛龍性然疑我
未知變化斯稱聖

喜晴

浮雲斂天末金颺蕩空宇暉暉朝日
暄驅盡炎官暑庭除既颯爽翰墨
聊容與披彼梧風涼裒茲花露滑
言念隴畝間宜暘已延佇乍欣暄
曝恩况復利行旅

將以孟秋上浣

啟行叩謁祖陵故云

望中山翠佳秋煙散平楚西成觸目詩是

我歡生所

新月

梧階鈎影尚朦朧去歲秋光此夕逢疑是素娥思白帝
却教珠泪灑寒叢

工部侍郎德齡有賢母詩以賜之

治身勤四德教子勗三遷樂易斯長壽令聞乃大年封
坵曾著潔畫荻舊稱賢彤管芳規在千秋耀簡編

題唐岱秋林讀易圖

憲舍平楚千章翠戶對踈峯萬笏青風散日暝秋色好

由來大地是羲經

新秋瀛臺即景

霽後林巒翠黛橫無邊詩景座中生
砌葩點綴丁星紫
鏡浦周環淡沲清
謾說梯仙隣北極
喜看白帝釀西成
桑畦稻隴均堪賞
寫出終年望歲情

御製詩初集卷十五

欽定四庫全書

御製詩初集卷十六

古今體一百一首 癸亥五

七月初八日因往盛京叩謁

祖陵恭奉

皇太后始發圓明園作

虞采綏旌次第排金風奏爽滿天佳王途于邁高秋淨

帳殿承

歡愛日諧望裏關東多王氣行經塞北暢清懷
絲絲寶
稽秋成近觸撥吾悰詎有涯

清河道中

秋原靜且嘉秋路足烟花林重猶遮騎途乾不礙車山
容看已近塞景未應賒騶從茲伊始行行攬物華

石槽行宮疊舊韻

雨霽園林景色妍羣芳繞砌足幽娟翠含螺黛山迎戶
影覆曾青樹隱天露到新秋纔欲白月幾望夕又將圓

前年今歲原無隔詩句推敲未忍眠

郊行

蕎尚青青黍欲黃金風時送粥饘香翠華搖曳織塵淨
歡切郊行十里強

野老扶兒望六飛停鞭問處話依依金吾莫謾頻呼蹕
一向籌伊凍與饑

滑笏溪流曲抱村遊絲白日靜秋原村翁不識鑿輿過
跣足科頭倚篔門

黃花路

三年兩過黃花路勝槩詩情越覺便幾處人家依近郭
一天烟景鬪前川無塵雅稱遲征馬有響方知咽晚蟬
試問武陵溪在否只疑宛在白雲邊

野雀

野雀噪庭樹不為無人止雜英豔辭階似為客添喜聲色
本如是非彼亦非此婆須正鬧時天龍惟一指

懷柔縣懷古

此日經行處前朝守禦艱金湯非險阻天地此關山水
念惟承器常時自汗顏懷柔無近遠詎止甸畿間

懷柔縣行宮對月

當秋玉輪皎况將臨望夕高空無纖雲銀河寫修白而
我因上

陵王路于此役行宮隣古縣晚景歸吟撫轅門息葆吹
蘭綺倚畫戟愛此清宵佳對彼涼蟾碧蒼松韻金籟徘徊
泛瑤席秋英何盈盈啼蜚紛唧唧沈寤良足欣襟懷

增暢適誰復尋前題俯仰論今昔

望長城作

金墉迤邐倚山尖想像當時守備嚴但擬天驕祛冒頓
那知民怨萃蒙恬千秋形勝日循覽萬古興亡取次覘
自是天心無定向從來違順卜鰲黔

躬詣盛京雖命省騶從而經過州縣豈盡免力役
之勞因詔免今年田租以示如傷之意

省耕省歛古所聞哲后禮不廢時巡矧茲上

陵實舊制有其舉之敢弗因盛京佳氣東來紫駢駢六御今
伊始山圍冀野遍桑麻峰標木葉經迤邐今年北鄙若雨暘
沿途攬轡禾黍香雖云比戶足衣食怨咨民瘼刻豈忘
千乘萬騎邁寓縣錢鏐將戩民情忭豈無力役勞閭閻
中心徘徊不能宴朝廷德詔應時下蠲租逮彼千村社
匪欲小補悅斯民

皇祖當年煦嫗者

臨白河

密雲古雄郡山川何壯哉白河襟其右圓流多洑洄野
花夾岸紅中涵鏡影開是時秋漲過波聲猶喧飀豈能
駕虹橋臨渡且徘徊因知投鞭言侈志禍之媒駢舟作
輿梁橫陳榆柳材力作爾毋亟匪為遊觀來

密雲行宮晚坐

金風玉露靜秋天別館初開翰墨筵亦有蛩聲啼砌下
那無月色到窓前山圍大野寂蕭夕宇轉新晴淡渰烟
何必御園雲水榭忘懷是處俗塵蠲

爽

遙山捲朝嵐素景澄空宇微涼拂征鞍信是宜秋旅
蝸叫敗籬白露下寒楚欣看築圃場厭聽敲砧杵
縷雲
縷遠天須臾迷處所

九松山

信轡度迴峯引領瞻巖戶九松本名山精藍亦已古
鐘聲響隔雲塔影直當午其山無凡木蒼松以千數
龍鱗未許摩虬蓋差堪覩不辨舊與新
遑論賓主云胡以

九稱想似秦時五

遙亭行宮疊舊韻

遊絲爽籟闌秋陽戶列堯峯翠杳茫歷歷出籬垂果羸
嚶嚶繞砌足常羊月臨素節連天淨詩寄高峯引興長
今昔儘伊如是住筌蹄咲我未曾忘

露

應節如垂玉晞陽欲起烟潤餘霏晚卉涼始到前川莎
阪愁蛩語蘭皋遲客鞭名言思祭義觸景倍悽然

閱古北口將士較武

九天備正竒萬隊
揔熊羆守德勝
守險忘安不忘危
憑軒觀鶴躍
巨野布魚麗
更念邊烽靖
因思

祖澤垂

攬勝軒小憩

偶來精室憩
征鞍窗啟嵐
光送曉寒谷
裏蜺旌烟裏度
座中羽騎畫中看
盞盞古柏陰
猶翠的的秋
英露未乾
不向空王陳
罪福闍黎空
自美人檀

曉行

啟明昇東方山色須臾辨
露氣侵衣濕沙埒印蹄
悞臨風過柳蹊衝烟歷
雲棧蛩聲向暖稀峰態
隨人轉送旅物比自然
途景差堪遣

出口

山自穹窿水自潺
扼吭朔塞此雄關
當年萬里朱殷地
巡狩三秋數往還

關外山田

關外山田盡作梯，漠南風景似江西。
水流野澗全無釣，谷轉荒村別有蹊。
樂事食瓜兼剥棗，生涯炊黍更蒸藜。
百年赤子經休養，物土耕桑六合齊。

半載宵衣課雨暘，停鞭一覽樂無央。
却欣民色渾非菜，即看雲容欲作黃。
玉塞甫田遲錢鏹，羽林飛騎漫騑驤。
昨年惕厲今猶憶，且喜秋臨淮海揚。

直隸頻歲有收，雖今夏河間天津被

旱然秋成之處多是尚易辦所慮惟淮揚災
饑之餘元氣未復聞今歲頗可望有收故云

較射

不數烏號勁，休論夏服奇。
主賓遵揖讓，進退足威儀。
信可因觀德，須知不主皮。
戎衣天下定，况是我朝基。

曉景

山隱金烏越，峭寒谷迴曉。
景已三竿如茵似，毯莎猶綠。
欲墜還留露未殘，人拍青帘。
沽濁酒，馬臨白汜，飲清瀾。
楓岑柵阪遲，詩約塞上重吟一片丹。

常山峪行宮疊舊韻

景愛三秋始

恩思廿載前

音容魂夢裏歲月鹿蕉邊
小憩松篁閣還陳翰墨筵
誠知仙是幻堪以日為年
列岫迎牕翠閒花繞砌妍
繼繩吾未逮矣此一心肩

常山峪行宮八景

綠樾徑

灌木盤山腰濃陰日翳翳
豁開壺中天迥異人間世

虛白軒

虛室能生白一氣常函三間情空外寄妙道個中叅

青雲梯

青雲信有梯丹崖暫延佇鹿豕出翠微逢迎務光侶

楓香阪

清吟步脩阪衣袂泛秋涼金風颯然過微聞山楓香

蔚藻堂

花木暢生意大地蔚菁藻忘言入靜觀忻然愜懷抱

如是室

如是如是室坐對清秋山遊山室中人不費往與還

翠風埭

野木不知名雨後增新翠誰云塞北山却有江南致

陵霞亭

危亭構峯頂面面青嶮岬踏石片雲飛去作天邊霞

野老

野老抱兒立不知避星駮道看思獻曝韭薤堆滿籃此翁非任崇却似悟龐叅

喀喇河屯行宮即景

樓觀圖雲倚翠微
苔封芝筵接巖扉
入簾水態漾珠網
映座山容卷鎖闌
天上仙鸞真可駕
人間別苑那堪妃
伯駒畫裏憶曾見
圓嶠方壺是也非

小金山

俯仰烟霞儘可招
試求高處只三霄
客來正值新秋景
白日涼颼天沈寥

欽崎截葉許誰攀
想像羅天咫尺間
不必揚帆過揚子

小金山勝大金山

灤陽別墅

臨水背山地青紗
白板齋徑蹊將俗遠
几席與清皆峰色翠
當戶松陰綠到堦
若非章奏至自許
傲無懷

一自前秋別經年
未到山愛伊仍荔徑
引我闢雲關落葉驚
禽起徂雲帶日還
詩人易看待
寂喜是蕭間

稍坐松下石松聲
涼謾謾露濡
今秋花峰挂
千年瀑天地自空
濶山川多靜
淋靈均會此趣
所居無須卜

本是廟堂人宵衣未解憂却饒山水趣佳景輒為留琴
書靜白晝臺館張高秋長揖謝安羨煙霞不可儔

嵯嶢矗黛螺淨沐雨初過堤色留新漲溪聲送逝波窓
虛延月桂地僻足烟蘿吟興前秋似前秋人若何

避暑山莊為

皇祖臨幸最愛之地亦孫臣受

恩特深處也八年秋謁

陵便道駐蹕數日曷勝今昔之感詩以誌弗忘云

軒墀敞御園草樹靜高原遊豫思

仁祖庥和逮孝孫

橋山將酌爵玉館此停轅
畫盡山容在修蛇電影奔禽
言欣客至蛩語訴秋繁
塔篆苔紋暗碑詩釵脚存

聖蹤猶可想衷曲向誰論
倍切乾乾志虞孤覆載思

中元日作

谷口涼來夕靄橫
廣寒宮殿即瑤京
幻春火樹千枝燦
貼水金蓮萬朵榮
秋到中元纔約略
月臨朔地倍光明

當時此日無來去的的河燈是證盟

觀荷

我從御園來荷花半凋殘此地乃關外荷花正新鮮
離宮憩征轡鏡浦迴遊船鷓鴣時出沒遠峯入清瀾
香籟拂我秀霞錦輝我前俯朶如欲訴傾珠學涕洟
仰華似開靨對客呈笑顏朔塞多嚴風花事應早闌
是荷婀娜姿詎能全其天或云惜芳菲留與詩人觀
或云開較遲夏仲方田田晚榮亦晚枯至理然乎然

萬壑松風舊日

賜居也因題其壁

書室依巖俯綠汀
重開窓網午陰亭
廿年無限春音夢
只有虬枝未改青

雲歸遠岫碧虛高
觸目成吟便擲毫
踐履未能融氣習
當年慚愧此焚膏

草長書帶綠侵階
依舊巒光入戶佳
擬向山靈話離况
挈壺偏報午時牌

質魯無能嘆末由徒驚歲月逝波流
於昭在上息如海比並乾坤萬古留

山居

山居幽致許誰同變態煙雲曉暮中
橡子墜林疑驟雨石泉赴澗似迴風
野花帶露全疑白峰岫欺霜未作紅
只有蒼松無改度晚來依舊月朦朧

鹿柴朝開野鹿來相將孤鶴立莓苔
雲驅曉霧惟空宇露下秋臯絕點埃
石劍攢青猶斲水衣縈碧任潺洄

擬將底事消清暇雪色吟箋取次裁

巖腰軒閣俯高秋
徭倚如登百尺樓
野馬出山斜照沒
玉蟾上樹晚涼浮
目窮碧落心宵濶
袖引金颺今古收
只許詞臣伴清切
酣吟每每遞詩郵

觀瀑

天籟豈徒風地籟
無過此松篁不敢鳴
琴筑那堪比清
聽既云暢塵心一
以洗却似南華仙
萬物歸秋水

瀑泉相問答各唱于喁聲
跳珠出浦圓垂虹掛川晴飛

鳴集鷓鴣躍戲潛鼉鼉佳景擬圖畫圖畫豈天成
誰將洗頭盆從空輕拄倒懸崖界翠屏赴壑梳文藻曰
心悟色形入耳蠲煩惱對此娛清暇靜理恣探討
危亭駕波上波影漾文檐颯沓誠可聽澄澈亦足快濺
衣借微風飲鹿當夜蟾分明洞天路只隔水晶簾

獅子園二首

軒榭起清秋溪池尚碧流虛無餘想像清暇此淹留梧
蔭惟添密蛩音更助愁趨

庭空有憶視

膳竟無由

僻有曾題字齋無向讀書苔青增砌古山靜覺牕虛幻
景歸蕉葉流陰駭日車獅峯誠善吼不動只如如

熱河示扈蹕諸臣

秉燭批黃漏點移豈因遊豫廢疇咨當年鷓侶今猶在
應憶

仁皇避暑時

野渡

殘月斜風曉青山白水鄉渡溪迴望處烟靄正迷茫

對月

虛庭人靜晚涼多弄影銀蟾拂女蘿一種離宮秋夜月
當時曾照繞梁歌

嶺峻還疑月出遲倚楹吟望恰移時却同昨歲新秋景
露滿金盤花滿枝

至博羅河屯蒙古四十八旗諸王公等來迎

時巡經葆塞肆覲集遊藩

莊子願遊其藩此言遊牧之藩也

願入千牛

衛欣看萬馬屯充庭誠納悃錫宴許歡言念此

詔謀遠長懷

列祖恩

鷹

白露為霜秋氣冷蒼鷹祭鳥雙眸炯錦鞞玉絡忽在臂
迴思故處失林嶺飢飽由人不由己目窮碧落常懷騁
鷹師養鷹識鷹性惟以飲食司其柄不使過飽力有餘

簡雲一去無迴影過飢復難任擊搏追逐雉兔弗鷲猛
發縱指使固如是為叢驅爵尤堪省

荒村

荒村臨野水環背多青山籬落何蕭疎秋花帶露殷蝸
舍晝逾靜庶柴夜不關禾黍彌平疇蕪葭颭曲灣木石
與居處黃白相往還借問是何境桃源非人間

曉行即景

篤速青驄趁曉行雲途烟驛洒然清踈星漸斂秋河影

殘月遙連曙色明野渡水寒無馬飲荒村人靜有雞鳴
朝嵐盡捲千峯紫極目郊原暢遠情

灩灩白露湛青莎日照如煙泛遠波古寺不聞清磬響
柴扉半掩野人歌青蔥眉色迎青嶂替戾鈴聲過紫駝
何必伊涼尋舊譜磧程塞景入吟多

釣魚

一川金紫明斜照清溪翠壁天然妙竿絲偶弄非夢罷
灩灩遊鱗俯可眺今來古往釣魚人不知却被魚兒釣

伊遜河

伊遜河水當秋澄伊遜河畔秋風清
我來策馬渡寒汰但見蒼烟羃歷連沙汀
蒹葭采采花欲白中流浴浪無鷓鴣牛輜駝
馱入畫意山容樹態皆詩情逝者如斯憶
前歲惟餘長波漣漣無停聲

掛鉞疊前韻

蘅臯掇菁蒨羶室伴清嘉却喜多風韻
偏宜對月華紛披紅豔夥掩映綠叢斜
還似文軒側微吟倚碧紗

雨

塞山旋雨復旋晴作陣靈風馬上迎
忽過千絲迴望處螺峯新沐一川明

翁勃重雲生足底下山剛值雨漫空
莫之敢指惟凝望兩岫高高駕彩虹

誰把珠簾馬上垂謂宜畫也復宜詩
捲雲片刻西風疾青嶂重開霽後奇

雨衣宜瓦仍妨漏爭似羶廬雨不妨
忽憶郊畿秋麥候

掉頭南望興徜徉

不借豐隆並雨師山靈自為洗山姿

塞上大山多著靈異凡較獵後必有

微雨俗云洗山亦奇事也

也愁跋涉非容易幸是多人止頓時

暮

下春隱桑榆槍竿橫夕靄轅門鳴鼓角周廬列旌旆獵
火燎平原人馬聲喧會時巡伊古重武備我朝最上
陵展積忱便途經塞外皇皇

祖宗業金甌鞏且泰來王無近遠奕世斯永賴治安吾

多慚繼序遑敢懈

閱章奏

勅幾豈為豫遊荒驛路馳來閣部章額幸公田歌樂歲
志期國士用賓王不教遊議清心鏡喜是嘉謀納耳黃
業業兢兢承重器

五朝仁治正光昌

獵

雲斂高空淨素秋較蒐倩利驟驂騶山翁山媪將毋訟

天餉天公已富酬五校龍旌疑霧曳三驅羽騎訝星流
清風吉甫羣陪輦吉日應同雅在周

吻鹿聲高露漸濃護霜雲傷紫芙蓉鴻伺輕騎看羅列
駢行徽車亦沈落壯士同能抱蒼豨名王爭羨扈青龍
匪誇多獸因農隙謾擬長楊弄筆鋒

楓

乍見新紅三五枝停鞭還為立移時吟丹自我償詩債

近作有楓林榭阪遲詩約
塞上重吟一片丹之句

突綠看伊入畫姿松栢有心

原共秀李桃魚色敢爭奇
千秋知己應誰是只有司勳
杜牧之

匪同烏鵲歎無枝一例寒林
却耐時絕勝哀楊翻葉態
還如老菊傲霜姿
嫣紅不數江花好
纈紫惟應塞樹奇
自是山靈儀衛肅
樵蕪誰得斧斯之

塞上行

昔年今日此龍沙
中外情聯久一家
幾處荒荆餘敗壘
千秋興廢繫懷賒

露浥煙蕪欲作霜
午衣猶熱曉衣涼
皇州此際殘蟬咽
已見南飛雁一行

馬足馳馱踏馬鞍
迴看天外轟槍竿
山靈有問如何答
前歲詩盟未敢寒

丹楓翠栢妙山容
野墅溪村也間逢
最是牧羊估馬客
於今都識重良農

葆吹聲聲傍晚拏
擅廬倚咏剪銀缸
春風已度榆關外
謾唱涼州水調腔

射熊

寥蕭玉宇拂秋風
掌樣霜鋒好射熊
却笑漢皇猶赤帝
空輸女子是英雄

山村

幾家負郭靜無塵
短屋疎籬野趣真
門枕清溪聆泚澗
窓含翠嶂看嶙峋
東流鎮日來西澗
南舍常時候北鄰
最是烟霞足供養
住山不是住山人

霧

塞山寒作霧明晦半峰分沾袂渾疑雨飛空似布雲隔
溪尋略約近樹辨榆枌能遲嚴霜信農家想樂聞

路旁

路旁兩芻頭頂金經跪袞袞紅塵中曉曉殊未已迹
同獻賦來意為施檀起我聞佛無欲安事莊嚴美其徒
云苦行其師應不喜勞勞天下人名利網中死逃此乃
出家胡為復入此

詠楓再疊前韻

朔地依然越鳥枝恍如霜落洞庭時
滑稽重憶吳江句
哀謝誰知漢苑姿百歲為人應是幻
千年成虎已標奇
丹青天巧能渲染不藉名工顧愷之

竄喜重吟絳雪枝酣紅猶讓昔年時
詎因改綠嘗無節
却為施朱發妙姿平抹如看霞外影
常醅似飲米中奇
千林秋色知多少欲向山靈一問之

靜坐讀朱子詩因效其體

龍沙萬聲息虎帳一燈閒
理窟微能著心芽邪自閑
清

風來嶺表明月出林間妙道當前在憧憧空往還

賜蒙古諸王公等宴

穹窿幔屋塞烟浮賓客從容禮法脩魚麗徵詩欣既醉
兕觥開宴詠其觥却教此日懷維翰不比當年畏脫甌
告我後人勤績績

祖宗德澤敢忘不

樂奏名王起進觴晶陽高映楮帷黃酪酥為酒當秋得
牛馬輸芹以谷量三爵尚賢奚側弁四侯觀德鄙穿楊

列朝政教周寰海況是宗姻受澤長

行漏

行漏鳴丁丁晦明毫不爽循環十二時豈識有今曩而人於其間却分去來想有智不如無對之增慨慷

閱馬

肥壤挾川阿名駒恣寢訛魯詩空賦駟唐牧漫誇多比色猶鋪錦分馳似捲波太平無戰伐憑眺意如何

榆

自昔稱榆塞經過乃識榆入林雖有徑望樹似無隅絕
壑蟠深翠平沙卧老株鶯鳩時決起跳兔善駢瞿一帶
排天仗千頭媿木奴縱輸春色好均被露華濡便是遊
星漢焉知在朔區關荆如到此健筆早應圖

說夢

昔有二人相契厚一人夢無一夢有夢有者謂夢無云
汝亦曾能夢有否夢無笑答夢有言曾夢汝有歸腐朽
二人各執有無說欲覓太人為分割陶潛倚籬方陶然

菊花開矣且飲酒

御製詩初集卷十六